

## ZAPISNIK

SA I. ELEKTRONSKE SJEDNICE

UPRAVNOG ODBORA BICIKLISTIČKOG SAVEZA BiH

održane dana 08.01.2021. godine (Petak), sa početkom u 19:00 sati

Sjednici su prisustvovali svi članovi Upravnog odbora BiSaBiH i to: Toni Zorić, Vladimir Kvalja, Mirsad Jusić, Amar Njemčević, Goran Garača, Emir Vučijak, Goran Guska, Ivan Širić, Ivan Jurilj i gen.sekretar Tihomir Kvalja..

Sjednicu je otvorio inicijator "Zoom sastanka" i predsjednik Upravnog odbora Biciklističkog saveza Bosne i Hercegovine (u daljnjem tekstu UO BiSaBiH) Toni Zorić, te predložio sljedeći:

### DNEVNI RED

1. Imenovanje dva potpredsjednika Saveza
2. Konkurs/natjecaj za direktora Saveza
3. Konkurs/natjecaj za Sekretara Saveza
4. Uvođenje knjige protokola
5. Pecat Saveza za Predsjednika i Sekretara
6. Odluka o Web domeni Saveza (bs-bih.ba ili bisabih.ba)
7. Raspisati natjecaj za izradu web stranice Saveza
8. Licence Saveza cijena članarine
9. Učlanjenje Saveza u ECF (European Cyclist Federation)
10. Računi Saveza
11. Vedad Karic: raspravljanje o projektu koji je apliciran preko BiSaBiH u 2020.
12. Popis imovine Saveza
13. Trening kamp Reprezentacije u Trebinju
14. Kotizacije/Članarine Saveza (prijedlog Ivan Širić)
15. Novi memorandum BiSaBiH
16. Ostalo

1

Toni Zorić je otvorio I. elektronski sjednicu i pozdravio sve prisutne, te predstavio Dnevni red i zamolio za konstruktivnu i brzu sjednicu UO BiSaBiH.

**Dnevni red je jednoglasno usvojen.**

Prije početka rasprave Ivan Jurilj kao novi član Saveza preuzeo je riječ te se predstavio ostalim članovima UO BiSaBiH.

## **RASPRAVLJANJE PO TOČKAMA DNEVNOG REDA:**

### **Točka 1. Imenovanje dva potpredsjednika Saveza**

Toni Zorić uzeo je riječ te predložio Emira Vučijaka i Vladimira Kuvalju za potpredsjednike UO BiSaBiH, te zamolio ostale članove UO BiSaBiH sugestije i komentate.

Riječ je uzeo Goran Garača te istakao kako će Vladimir Kuvalja aplicirati za sportkog direktora Saveza, te predložio da mjesto potpredsjednika zauzme Goran Guska.

Predsjednik UO BiSaBiH dao je na glasanje i prijedlog je usvojen jednoglasno. Novi potpredsjednici BiSaBiH su Emir Vučijak i Goran Guska.

### **Točka 2. Konkurs/natjecaj za direktora Saveza**

Goran Garača je uzeo riječ te istakao da trenutni Statut BiSaBiH ne poznaje ovu funkciju te bi trebalo raditi izmjene statuta i potom zakonski i formalo raspisati konkurs za ovo mjesto i izabrati odgovarajuću osobu.

Vladimir Kuvalja je dodao kako smatra da jedna osoba po zastupanju mora biti iz Republike Srpske, kao i jedna iz Federacije BiH.

**Zaključak: Daje se zadatak (komisiji za konkurse) Amaru Njemčeviću, Goran Guska i Vladimiru Kuvalji da iznađu rješenje po ovom pitanju, sastave poziv za konkurs i dostave finalnu verziju UO na usvajanje prije objave. Za ovaj dio posla im se daje rok od 12 dana.**

### **Točka 3. Konkurs/natjecaj za Sekretara Saveza**

Amar Njemčević je uzeo riječ te predložio da ova dva konkursa idu uporedo kako bi smo izbjegli dodatne sjednice UO, te na istoj sjednici odlučili za obje funkcije BiSaBiH.

**Zaključak: Daje se zadatak (komisiji za konkurse) Amaru Njemčeviću, Goran Guska i Vladimiru Kuvalji da sastave poziv za konkurs i dostave finalnu verziju UO na usvajanje prije objave. Za ovaj dio posla im se daje rok od 12 dana.**

### **Točka 4. Uvođenje knjige protokola**

Toni Zorić je istaknuo kako do sada nije bila praksa da BiSaBiH vodi knjigu protokola, no smatra kako je to neophodno voditi te zatražio od UO BiSaBiH da se ova točka stavi na glasanje.

**Zaključak: Prijedlog je usvojen jednoglasno i zadužuje se Amar Njemčević da napravi prijedlog vođenja knjige protokola. Daje mu 12 dana.**

#### **Točka 5. Pečat Saveza za Predsjednika i Sekretara**

Toni Zorić je članovima UO BiSaBiH kazao kako je u srijedu 06.01.2021. zadužio pečat od Zlatka Berbića (predsjednika u prošlom mandatu), te dodao kako je napravljan zapisnik o primopredaji pečata i ovlasti u vođenju Saveza. Bilo je upita da se rade novi pečati, no smatra kako za to nema potrebe budući da su napravljena tri zapisnika, jedan za svaku stranu i jedan za arhivu BiSaBiH.

**Zaključak: UO BiSaBiH donio je jednoglasnu odluku da se pečati ne mjenjaju, nego se zapisnik vodi u arhivi Saveza i služi kao dokaz o primopredaji ovlasti.**

#### **Točka 6. Odluka o Web domeni Saveza (bs-bih.ba ili bisabih.ba)**

Toni Zorić je istaknuo kako je trenutno zakupljena web domena "bs-bih.ba" teška za pronaći i mnogi članovi Saveza nisu bili u mogućnosti pronaći webb stranicu Saveza u prethodnim godinama. Napominje da je trenutno web stranica Saveza isključena.

**Zaključak: Prijedlog predsjednika usvojen je jednoglasno od strane UO BiSaBiH, te se zakupljuje nova web domena "bisabih.ba".**

#### **Točka 7. Raspisati natjecaj za izradu web stranice Saveza**

Toni Zorić uzeo je riječ te iskazao koliko je neophodno da jedna institucija na državnoj razini kako BiSaBiH mora imati svoju web stranicu. Zatražio je od UO BiSaBiH da se ova točka stavi na glasanje kako bi se pokrenula procedura za izradom web stranice BiSaBiH.

Emir Vučijak je predložio da uporedo s ovim javnim konkursom ide i poziv prema klubovima koji žele da pomognu pri izradi web stranicu za neke manje pare. Smatra da u klubovima ima članova koji bi web stranicu Saveza mogli kvalitetno napraviti za neki manji iznos.

Mirsad Jusić je mišljenja da predsjednik treba da odredi uvijete koji će dati najbolju verziju stranice. Preuzeo je na sebe da M-Bike Shop kao sponzor Saveza plati izradu web stranice i donira određeni iznos sredstava za početak rada Saveza.

**Zaključak: Toni Zorić se zahvalio Mirsadu na potpori u radu Saveza i preuzeo na sebe da raspiše konkurs za izradu web stranice Saveza, te da zajedno sa UO BiSaBiH izabere najkvalitetniji prijedlog. Prijedlog je usvojen jednoglasno.**

#### **Točka 8. Licence Saveza cijena članarine**

Toni Zorić je predložio nove cijene licenci za radna tijela UO i to: cijena licenci za takmičare/natjecatelje ostaje nepromjenjena (10,00 KM), dok cijena licenci za radna tijela u Savezu treba iznositi minimalno 20,00 KM. U radna tijela spadaju: sudija/komesar; trener; cikloturistički vodič; direktor; tehnički delegat; vođa tima i tako dalje.

**Zaključak: Prijedlog je usvojen jednoglasno.**

#### **Točka 9. Učlanjenje Saveza u ECF (European Cyclist Federation)**

Ivan Jurilj je iskazao potrebu učlanjenja Saveza u Europsku biciklističku federaciju budući da ćemo u narednim godinama gledati u razvoj Eurovelo staza kroz Bosnu i Hercegovinu. Europska biciklistička federacija je nositelj projekta Eurovelo staze i potrebna nam je uska suradnja sa njima kako bi i BiH bila uključena u taj projekat.

**Zaključak: Predsjednik je zadužio Ivana Jurilja da se raspita oko uvijeta učlanjenja i cijene članarina kod ECF, te da na idućoj sjednici raspravljamo oko ovoga prijedloga kada budemo imali više informacija. Za ovaj dio posla daje se rok od 12 dana.**

#### **Točka 9. Računi Saveza**

Toni Zorić je zatražio od trenutnog sekretara Tihomira Kvalje informaciju s koliko otvorenih računa raspolaže BiSaBiH, te pred UO BiSaBiH istakao važnost potrebe da svi izvodi, odnosno promjene na stanju računa Saveza pored sekretara, a putem maila, dobiva i predsjednik Saveza. Zatražio je od UO BiSaBiH suglasnost da se ova točka usvoji te da Tihomir Kvalja ode do banaka u kojima Savez ima otvorene račune i stavi njega kao drugu osobu koja treba da dobiva ove informacije.

Tihomir Kvalja je dao odgovor kako BiSaBiH ima otvorene račune u dvije banke, te da neće biti nikakav problem da predsjednik Saveza dobiva informacije o promjenama na računu.

**Zaključak: Prijedlog je usvojen jednoglasno od strane UO BiSaBiH, te se Tihomiru Kvalji daje rok od 7 dana za izvršenje ovih poslova.**

#### **Točka 10. Vedad Karic: raspravljanje o projektu koji je apliciran preko BiSaBiH u 2020.**

Tihomir Kvalja je prezentirao UO BiSaBiH ovaj slučaj u kojem je takmičar Saveza, a bivši član UO BiSaBiH, Vedad Karić aplicirao projekt ispred BiSaBiH prema Ze-Do Kantonu na kojem je prošao i preko kojeg su na račun BiSaBiH legla sredstva u iznosu 3.000,00 KM. Sada treba iznaći način da se ta sredstva opravdaju, te se nakon pravdanja prebace na račun Vedadovog kluba.

**Zaključak: UO je zatražio da Vedad dostavi aplikacionu dokumentaciju za UO, a zatim i dokumentaciju po kojim se pravdaju sredstva, izvještaji, računi i medijski izvodi, te da se sredstva prvo opravdaju pa da se onda isplate sa računa Saveza na račun Vedadovog kluba, odnosno BK Rotacija Spin. Uбудуće o ovim stvarima mora biti uoznat UO BiSaBiH, te je potrebno da se donese pravilnik po kojem će klubovi moći aplicirati preko Saveza.**

#### **Točka 11. Popis imovine Saveza**

Toni Zorić je zatražio od Vladimira Kvalje da se načini popis imovine Saveza, te smatra da bi se taj popis trebao na kraju svake godine voditi i dostavljati UO BiSaBiH.

Mirsad Jusić je mišljenja kako se treba sastaviti komisija za popis imovine.

**Zaključak: Prijedlog je usvojen jednoglasno, te je Vladimir Kvalja preuzeo na sebe da načini popis. Za ovaj posao daje se rok od 12 dana.**

## Točka 12. Trening kamp Reprezentacije u Trebinju

Toni Zorić je istaknuo kako je potrebno da krenemo sa realizacijom trening kampa Reprezentacije BiH, a kao savršena lokacija za ove treninge je južna Hercegovina, odnosno gradovi Neum ili Trebinje.

Vladimir Kvalja se uključio te dodao kako je već na ovu temu razgovarao sa Tonijem i potom kontaktirao člana Saveza u Trebinju (Blagoje Rosandić - BK Leotar) da prikupi tri najbolje ponude za kamp BiH biciklista. Mišljenja je da bi Savez trebao osigurati najbolju lokaciju, treninge, trenere, kao i smještaj za trenere, dok bi BH biciklisti trebali sami sebi da plate kamp budući da Savez to trenutno nije u mogućnosti.

**Zaključak: Prijedlog je usvojen jednoglasno. Vladimir Kvalja će ovaj dio posla preuzeti na sebe i organizirati kamp zajedno sa trenerima. UO BiSaBiH smatra da bi smještaj trenerima trebao platiti Savez, dok će biciklisti sami snositi svoje troškove. Na kamp se može prijaviti svi biciklisti iz klubova.**

## Točka 13. Kotizacije/Članarine Saveza (prijedlog Ivan Širić)

Prijedlog je povučen.

## Točka 14. Novi memorandum BiSaBiH

Toni Zorić je ukazao na memorandum BiSaBiH na kojem stoje logotipi ITERA i BH Telekom koji već dulje vrijeme nije sponzor Saveza. Također, predložio je da se u memorandum uključi logotip M-Bike Shop kao partnera Saveza i logotip UCI (Međunarodne biciklističke federacije).

**Zaključak: Prijedlog je usvojen jednoglasno.**

## Točka 15. Ostalo

Ivan Jurilj se želio osvrnuti na 2. točku Dnevnog reda, a o kojoj se raspravljalo ranije. U međuvremenu je pročitao Statut BiSaBiH koji mu je dostavljen i u kojem stoji: Članak 17. koji kaže da UO može imenovati Sportskog direktora BiSaBiH, al da Skupština mora to odobriti. Ovim samo želi pomoći komisiji pri radu za izradu i raspis konkursa.

Vladimir Kvalja je uputio pitanje za predsjednika Saveza za plan financiranja Saveza. Smatra kako se UO BiSaBiH na ovoj sjednici nismo bavili bitnijim pitanjima, te kako se zapravo trebamo baviti sa time kako iznaći sredstva za rad Saveza.

Toni Zorić se zahvalio Vladimiru na pitanju koje je na mjestu i zaslužuje odgovor. Istakao je kako ne želi ulijevati lažne nade i davati obećanja koja ne može ispuniti. Pred nama je teška godina i Savez praktički starta s nule. Na toliko nezavidnoj razini je da Savez praktički nema svoju web stranicu, a samim time nema što ni ponuditi eventualnim sponzorima. Ono što može obećati jeste da ćemo cijelu ovu godinu raditi da se izdignemo i predstavimo Savez kao instituciju vrijednu ulaganja, te kako bi tek u idućoj godini mogli pristupiti eventualnim sponzorima s konkretnom ponudom. Nadalje, istaknuo je kako je izradio "Plan i program rada BiSaBiH za 2021." i kako je ovo prva godina u kojoj Savez ima svoj "Plan i program rada" (nalazi se u prilogu maila), a sa kojim će Savez aplicirati prema

resornim ministarstvima i tražiti sredstva za rad Saveza. Poznato je da do sada to nije bila praksa, Savez je na pozive ministarstava aplicirao sa određenim događajima, gdje su sredstva bivala utrošena na te događaje, a Savez je funkcionirao na osnovu članarina. Ta praksa se izbacuje i to više neće biti slučaj, te će Savez isključivo aplicirati sa svojim Planom i Programom, a koji prethodno odobri UO BiSaBiH, te će potraživati sredstva isključivo za rad Saveza. To je ono što mogu obećati i to je način rada kojem ću težiti tijekom mog mandata.

Amar Njemčević smatra da moramo napraviti sistem i platformu po kojoj ćemo moći potraživati sredstva od sponzora i Države.

Mirsad Jusić smatra da smo do sada imali pogrešan pristup gdje se uvijek tražilo od predsjednika da on sam traži sponzore. Smatra da cijeli UO BiSaBiH treba da se uključi i radi onaj dio posla u kojem je dobar i za što je sposoban. Potrebno je oformiti komisiju koja će se baviti pitanjem pronalaska sponzora i da vidimo što im možemo ponuditi i šta konkretno možemo tražiti od sponzora.

Goran Garača se slaže većim dijelom onoga što su izjavili svi članovi UO BiSaBiH međutim smatra da se moramo posvetiti protokolarnim i regulatornim stvarima u Savezu, te kako je neophodno da Savez prije svega sa revidiranim pravilnicima pravno postavimo na noge, posložimo situaciju i dovedemo Savez u red, a da onda ozbiljno pristupamo prema traženju sponzora.

Emir Vučijak smatra da trebamo biti realni. Savez u zadnjih nekoliko godina vrti sa par hiljada maraka i nije imao konkretnih pomaka u ovom pravcu. Ove godine je korona i smarta da je nerealno tražiti od predsjednika da u ovoj situaciji u kojoj se nalazi Savez iznađe neka ozbiljna sredstva. To je praktički nemoguće. Mi trebamo prije svega urediti Savez jer krećemo od nule i vidjeti što to mi možemo ponuditi sponzorima. Nemoguće je da obećamo bilo kakve novce jer smo i okasnili sa sponzorskim potraživanjima prema velikim firmama budući da se ta marketinška sredstva potražuju po kraju kalendarske godine. Ova godina će vjerovatno biti kao prethodna i ako namaknemo neka sredstva to će biti odličan pomak i vjetar u leđa.

Ivan Jurilj smatra da trebamo prvo Savez postaviti kao instituciju koja je uređena, kredibilitetna i jaka, pa tek onda se posvetiti sa sponzorskim sredstvima.

Sjednica se završila u 22:00 sati.

Zapisnik sačinio: Toni Zorić

Broj: 004-01/21BSBiH



Predsjednik UO BiSaBiH

Toni Zorić

